

Morning Dogri (NSD) National News Bulletin 06-08-2024

आकाशवाणी

- राष्ट्रपति द्रौपदी मुर्मू होरें गी फिजी दी राजधानी सुवा च मुख्य दे सवौच्चय सम्मान कम्पैनियन ऑफ द ऑर्डर ऑफ फिजी कन्नै सम्मानत कीता गेआ।
- भारत बंगाल दी खाड़ी लेई केई क्षेत्रें च तकनीकी ते आर्थिक साथ सैहयोग आली पैहलकदमी BIMSTEC व्यापारिक शिखर सम्मेलन दी मेजबानी करोग।
- असम च बड़ी भारी बरखा कारण गोहावटी च जंदी संजा आए दे हाड़ें करी आम जनजीवन च बिघ्न पेदा ऐ।
- बंगलादेश दे राष्ट्रपति ने आखेआ ऐ जे संसद भंग करने मगरा अंतरिम सरकार दा गठन होग।
- पैरिस ओलंपिक्स 2024 च अज्ज भारत दे खडारी हॉकी, एथलीट, टेबल टेनिस, कुश्ती च अने अपने मैच खेड़गन।



President

राष्ट्रपति द्रौपदी मुर्मू होर फिजी दे राष्ट्रपति विलियामे मैवलीली कटोनिवेरे ते प्रधानमंत्री सितिबेनी राबुका हुंदे कन्नै दपक्खी बैठक लांगन। राष्ट्रपति होरें फिजी दी संसद गी संबोधत कीता। राष्ट्रपति कल फिजी दी राजधानी सुवा पुज्जियां हियां। उत्थें उंदा सुआगत फिजी दे प्रधानमंत्री होरें कीता। फिजी दी सेना नै राष्ट्रपति मुर्मू होरें गी गार्ड ऑफ हॉनर बी दित्ता। उनें गार्ड ऑफ हॉनर दा निरीक्षण बी कीता। मगरा राष्ट्रपति होर 7 थमां 9 अगस्त तगर न्यूजीलैंड दे दौरे पर रौंहगन। ओह् गवर्नर जनरल सिंडी कीटो ते प्रधानमंत्री क्रिस्टोमर लुक्सोन हुंदे कन्नै दपक्खी बैठक लांगन। उत्थें ओह् शिक्षा सरबंधी इक सम्मेलन गी संबोधत करगन ते भारतीय समुदायें कन्नै मलाटी करगन। अपनी यात्रा दे खीरले पड़ाह च ओह् तिमोर लेस्ते जांगन ओह् 10 अगस्त गी उत्थें पुज्जगन। कुसै भारतीय राश्ट्राध्यक्ष दा इस मुख्य दी पैहली यात्रा ऐ। उंदा लेस्ते दे राष्ट्रपति जोस रामोय होरता ते प्रधानमंत्री गुमसाओ हुंदे कन्नै मलाटी करने दा कार्यक्रम ऐ।

राष्ट्रपति द्रौपदी मुर्मू होरें गी फिजी दी राजधानी सुवा च मुल्खै दे सवौच्चय सम्मान कम्पैनियन ऑफ द ऑर्डर ऑफ फिजी कन्नै सम्मानत कीता गेआ।

<><><><><><>

Bimstec

भारत अज्जै थमां नमीं दिल्ली च बंगाल दी खाड़ी लेई केई क्षेत्रें च तकनीकी ते आर्थिक साथ सैह्योग आली पैहलकदमी BIMSTEC व्यापारिक शिखर सम्मेलन दी मेजबानी करोग। विदेश मंत्री डॉ. एस.जयशंकर होर त्रऊं दिनें तोड़ी चलने आली इस शिखर सम्मेलन दा उद्घाटन करगंन जदके बंज, बपार ते उद्योगी सरबंधी मैह्कमे दे मंत्रीपीयूष गोयल होर मुख् भाषण देंगन। BIMSTEC शिखर सम्मेलन च केई मिंबर मुख् दे मंत्री, उच्च सरकारी ऐह्लकार, नीति निर्माता, उद्योगपति ते उद्योगी संगठन हिस्सा लै'रदे न। विदेश मंत्रालय नै आखेआ जे शिखर सम्मेलन च 300 थमां बद्ध मुततलका धड़े हिस्सा लैंगन जेहड़े बंगाल दी खाड़ी इलाकें च आर्थिक साथ सैह्योग ते निरंतर विकास, प्रगति, ऊर्जा सुरक्षा, इलाकाई संपर्क, कारोबार दी बेहतर सुविधाएं बारे चर्चा कीती जाग। मंत्रालय नै आखेआ जे सम्मेलन च BIMSTEC मिंबर मुख् बश्कार कारोबार ते निवेश गी होर तगड़ा करने लेई ढंग-तरीके बारे सोच बचार कीता जाग।

<><><><><><>

Assam Floods

असम च बड़ी भारी बरखा कारण गोहावटी च जंदी संजा आए दे हाड़ें करी आम जनजीवन च बिघ्न पेदा ऐ। गोवाहटी च केई थाहरें जल-थल होई जाने करी गड़िडएं दी आओजाई उप्पर बी बड़ा माड़ा असर पेआ। लोक केई-केई घैंटे तोड़ी जाम च फसे दे रेह। हाड़ें आली स्थिति गी दिक्खदे होई गोवाहटी मुंसिपल कारपोरेशन तैह्त औने आले इलाकें च स्कूल, कालेज ते कोचिंग सेंटर सने सब्बै चाल्ली शिक्षा संस्थान बंद रौंहगन।

<><><><><><>

Bangladesh

बंगलादेश दे राष्ट्रपति मोहम्मद शहाबुद्दीन होरें आखेआ ऐ जे संसद भंग करने मगरा मुख्य च अंतरिम सरकार दा गठन होग। एका दे बंग भवन च सेना दे त्रौणें अंगें दे प्रमुखें दी मजूदगी च बक्ख-बक्ख राजनीतिक दलें दे नेताएं ते नागरिक समाजिक संगठनं दे प्रतिनिधिएं कन्नै बैठक च उनें एह गल्ल आखी। राष्ट्रपति होरें आखेआ जे सेना हिंसा, दंगें-फसादअराजकता आली स्थिति गी खत्म करने ते सामान्य स्थिति बहाल करने आस्तै गैंह पुट्टोग। प्रधानमंत्री शेख हसीना होरें कल स्तीफा देई दित्ता हा ते सेना दे जहाज राएं मुख्य छोड़ी दित्ता। एहदे मगरा सेना नै स्थिति गी संभालदे होई अपनी कोशशें गी शुरू करी दित्ता। सेना दे मीडिया विभाग इंटर सर्विसेस पब्लिक रिलेशंस आईएसपीआर नै आखेआ ऐ जे सेना प्रमुख वकार-उज-जमां तौले गै छात्रें ते शिक्षकें दे प्रतिनिधिएं कन्नै मलाटी करगन। जनरल जमां होरें आखेआ जे सारे सरकारी ते नीम सरकारी दफ्तरें, निजी कार्यालय, कारखाने ते स्कूल-कालेज, मदरसा ते विश्व विद्यालय सनं सब्बै शिक्षा संस्थान अज्ज खुल्लगन।

<><><><><><>

CCA

प्रधानमंत्री नरेन्द्र मोदी हुंदी अध्यक्षता च केन्द्रीय मंत्रिमंडल दी सुरक्षा मामले दी समिति दी नमीं दिल्ली च बैठक होई जेहदे च बंगलादेश दी स्थिति दी समीक्षा कती गई। बैठक च विदेश मंत्री डॉ. एस.जयशंकर, गृह मंत्रह अमित शाह, रक्षा मंत्री राजनाथ सिंह, वित्त मंत्री निर्मला सीतारमण ते होर दुए मंत्री शामिल होए।

<><><><><><>

IMD

मौसम विभाग नै आखेआ ऐ जे पच्छिमोत्तर ते पूर्वी भारत च अगले 2 थमां 3 दिनें तगर किश थाहरें पर भारी बरखा होई सकदी ऐ मौसम विभाग नै दस्सेआ ऐ जे पच्छमी बंगाल च हिमालय दे हेठले इलाकें ते सिक्किम च अज्ज मती थमां मती भारी बरखा होई सकदी ऐ, जिसलै कि अरुणाचल प्रदेश, असम, मेघालय, नागालैंड, मणिपुर, मिजोरम ते त्रिपुरा च इस म्हीने दी 10 तरीक तगर बड़ी मती बरखा होने दी संभावना ऐ।

मौसम विभाग मूजब तमिलनाडू, पच्छमी राजस्थान, उत्तर प्रदेश, पंजाब, जम्मू ते कश्मीर, हिमाचल प्रदेश, ते उत्तराखंड च बी ऐसी गै स्थिति बनी रौहने दी संभावना ऐ। मौसम विभाग नै हरियाणा, चंडीगढ़ ते दिल्ली च इस हफते तेज अंध ीते गरज कन्नै हल्की थमां दरमेयाने दर्जे दी बरखा होने दी संभावना जाहर कीती गई ऐ।

<><><><><><>

Amarnath Yatra

जम्मू दे भगवती नगर आले आधार शिविर थमां इक जहार 873 श्रद्धालुएं दा इक होर नमां जत्था घाटी लेई रवाना होआ। 69 गड्डिएं दे काफले च एह जत्था अज्ज बडलै रवाना होआ ऐ। इस जत्थे च 1 जहार 579 मर्द, 202 महिला, 65 साधु, 27 साध्वियां शामिल न। एह जत्था बडलै बालटाल लेई रवाना होआ।

<><><><><><>

Tarang Shakti

भारत तमिलनाडू दे सुलाह च अपने पैहले बहुराष्ट्रीय हवाई अभ्यास तरंग शक्ति 2024 दी मेजबानी करोग। इस युद्ध अभ्यास च तकरीबन 30 मुख्य हिस्सा लैंगन, जेह्दे च 10 मुख्य अपने लड़ाकू जहाजें कन्नै शामिल होंगन। नमीं दिल्ली च वाईस चीफ ऑफ एयर स्टाफ एयर मार्शल ए.पी.सिंह होरें दस्सेआ जे अभ्यास दा पैहला गेड़ अज्जै थमां 14 सितम्बर तगर राजस्थान दे जोधपुर च आयोजित होग।

<><><><><><>

Olympic

पैरिस ओलंपिक्स 2024 च अज्ज भारत दे खडारी हॉकी, एथलीट, टेबल टेनिस, कुश्ती च अने अपने मैच खेड्डगंन। हॉकी दे सैमीफाइनल च भारतीय मर्दे दी टीम दा मकाबला जर्मनी कन्नै होग। मैच भारतीय समें मूजब रातीं साढ़े 10 बजे शुरू होग।

टोक्यो ओलंपिक 2020 च भारत गी जेवलीन च सुन्ने दा तगमा जताने आले नीरज चौपड़ा
अज्ज ग्रुप-बी च अपना क्वालीफिकेशन मैच खेड्ङगंन। जेवलीन च गै किशोर कुमार जीना
ग्रुप-ए क्वालीफिकेशन मैच खेड्ङगंन।

<><><><><><>